



**«ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱ» ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ ԿԱՐԳԱՊԱՀԱԿԱՆ ԵՎ ԷԹԻԿԱՅԻ ԿՈՄԻՏԵԻ
ՆԱԽԱԳԱՀ**

Հասցեատեր՝

«Ալաշկերտ» ՖԱ ՀԿ

Էլեկտրոնային փոստի հասցե՝ info@fcalashkert.am

«Բենտոնիտ ՖԱ» ՀԿ

Էլեկտրոնային փոստի հասցե՝ bentonit.fa@mail.ru

«Հայաստանի ֆուտբոլի ֆեդերացիա» հասարակական կազմակերպության

Կարգապահական և էթիկայի կոմիտեի

Ո Ր Ո Շ ՈՒ Մ

13.11.2023թ.

**Վարույթ՝
Խախտում՝**

ԿԱԽ2-004

«Բենտոնիտ Ազատամուտ» թիմի արձանագրությունում գրանցված պաշտոնյաների բացակայության պատճառով խաղի չկայանալը (Հավելված 1 Է, 14-րդ կետ)

**Առաջնություն՝
Խաղ**

Կանանց ԱԽ2

«Ալաշկերտ աղջիկներ» - «Բենտոնիտ Ազատամուտ»
24.08.2023թ.

ՀՖՖ Կարգապահական և էթիկայի կոմիտեն (այսուհետ՝ Կոմիտե),

Հաշվի առնելով 2023 թվականի սեպտեմբերի 7-ին թիվ ԿԱԽ2-004 կարգապահական վարույթի շրջանակներում կայացված որոշման մեջ տեղ գտած ակնհայտ սխալը,

Հիմք ընդունելով ՀՖՖ կարգապահական և էթիկայի կանոնակարգի 19-րդ հոդվածի 4-րդ կետը, 37-րդ հոդվածի 12-րդ կետը, 39-րդ հոդվածի 1-ին կետը և 48-րդ հոդվածի 1-ին կետը, որոշեց՝

2023 թվականի սեպտեմբերի 7-ին թիվ ԿԱԽ2-004 կարգապահական վարույթի շրջանակներում կայացված որոշման (այսուհետ՝ Որոշում) մեջ կատարել հետևյալ փոփոխությունները.

1. Որոշման 1-ին կետում ««Բենտոնիտ Ազատամուտ» թիմի արձանագրությունում գրանցված պաշտոնյաների բացակայության պատճառով խաղի չկայանալու համար «Բենտոնիտ ՖԱ» ՀԿ-ին տուգանել նվազագույն աշխատավարձի հիսունապատիկի՝

50,000 ՀՀ դրամի չափով և թիմին գրանցել տեխնիկական պարտություն՝ 0:3 հաշվով» նախադասության հատվածը շարադրել ««Բենտոնիտ Ազատամուտ» թիմի արձանագրությունում գրանցված պաշտոնյաների բացակայության և «Ալաշկերտ աղջիկներ» թիմի արձանագրությունում գրանցված պաշտոնյաների բացակայության պատճառով խաղի չկայացման համար թույլատրել վերանշանակել «Ալաշկերտ աղջիկներ» - «Բենտոնիտ Ազատամուտ» հանդիպումը»:

ՀՖՖ Կարգապահական և էթիկայի կոմիտեի նախագահ՝

Կարեն Հովհաննիսյան

Ծանուցում

- ՀՖՖ կարգապահական և էթիկայի կոմիտեի որոշումների բողոքարկման համար որոշմամբ պատասխանատվության միջոցի ենթարկված ֆուտբոլային սուբյեկտը պետք է բողոքարկման վերաբերյալ գրավոր հայտարարություն ներկայացնի Կարգապահական գրասենյակ (legal@ffa.am էլեկտրոնային հասցեով)՝ ի գիտություն Բողոքարկման կոմիտեին, համապատասխան որոշման մասին ծանուցվելուց հետո 3 (երեք) օրվա ընթացքում:
- Որոշմամբ հիմքերի տրամադրման համար համապատասխան ֆուտբոլային սուբյեկտը պետք է բողոքարկման հայտարարություն ներկայացնելու հետ միասին ներկայացնի որոշման հիմքերը պատվիրելու համար նախատեսված 100.000 ՀՀ դրամի չափով տուրքի վճարումը հավաստող ապացույց: Նշված վճարը վերադարձման ենթակա չէ:
- Բողոքարկման հայտարարությունը ներկայացնելուց հետո 5 (հինգ) օրվա ընթացքում (այն դեպքում, երբ ֆուտբոլային սուբյեկտը դիմել է որոշման հիմքերը ստանալու խնդրանքով՝ բողոքարկման 5-օրյա ժամկետը սկսում է հաշվարկվել այդ հիմքերը ստանալու պահից) ֆուտբոլային սուբյեկտը նույն կարգով պետք է ներկայացնի հիմնավորված բողոքը, ինչպես նաև բողոքի ներկայացման համար նախատեսված համապատասխան տուրքը վճարելու վերաբերյալ ապացույցը: Բողոքարկման վճարը կազմում է 100,000 ՀՀ դրամ և ենթակա է վերադարձման յուրաքանչյուր դեպքում ԲԿ որոշմամբ սահմանված չափով՝ ըստ բավարարված պահանջների համամասնության:
- Նշված ժամկետներում բողոքարկման գրավոր հայտարարություն չներկայացնելը հանգեցնում է որոշման վերջնական և պարտադիր դառնալուն, և համարվում է, որ կողմը հրաժարվել է բողոք ներկայացնելու իր իրավունքից:
- Եթե ֆուտբոլային սուբյեկտի կողմից պատասխանատվության միջոցի պայմանական կիրառման ընթացքում թույլ է տրվում համանման կարգապահական խախտում, ապա ՀՖՖ կարգապահական և էթիկայի կոմիտեի որոշմամբ սահմանված կարգապահական պատասխանատվության միջոցը կիրառվում է: Միեւնույն ժամանակ այդ կարգապահական միջոցը գումարվում է նոր կատարված կարգապահական խախտման հետեւանքով կիրառվող միջոցին: